

TE HOHOMURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 11.

Novema 1927.

Mat. 21.

E teie, e maitai atu to ratou e faaroo i ta outou mau parau a faaite atu ai outou i to outou nei ite ia'u, e to outou iteraa e, te vai ra o vau. Oia ia, e ao to raton e faaroo i ta outou mau parau, e te tupu to ratou haehaa roa, e o te baptizohia e faaihia hoi ratou i te auahi e te Varua Maitai, e e matara ta ratou mau hara. (B. M. III Nephi 12:2)

Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tei papaihia e Tamate; Faaauhia ei reo Tahiti e Ioane Orotona.

*Te faaroo nei matou o taua mau faaueraa ra; * * *
te maha ra, te tuuraa rima ia no te horoaraa'tu i te Varua Maitai.*

(E tuatiraa teie nei parau.)

UIRAA 1. Eaha te piti o te baptizo tei tae mai i muri iho i te baptizoraa a loane ra?

Pahonoraa 1. O te baptizoraa ia i te Varua Maitai e te Auahi.

Parau Tauturu: Ua haere maira Ioane na te medebara i te parau-haere-raa i te parau no te tatarahapa e te baptizo; ua parau atoa maira oia e, o te haere mai i muri iho ia'na e mana rahi to'na i to Ioane; e Oia hoi ia te baptizo ia ratou i te Varua Maitai e te Auahi. Ua parau atoa maira Ioane e, o Iesu ia taua taata ra. Te na ô maira te

a laone e, "A hió na i te Arenio a te Atua. Oia teie ta'u i parau ra e, Te haere mai nei te hoé taata i muri iho ia'u nei, e ua riro oia i mua ia'u. Eita râ vanu e ite ia'na, auaa tei tonu mai ia'u e bapetizo i te pape nei i parau mai ia'u e, o ta'oe e hió i te Varna i te pouraa mai, e te faaeearaa i nia iho ia'na ra, oia ia o tei bapetizo ia ma te Varua Maitai." (Ioane 1:29-33)

Ua haapii atura Iesu ia Nikodemo e, "Ia ore te taata ia fanau i te pape e te Varua e ore oia e ô i te basileia o te Atua ra." (Ioane 3:3-5) E no reira, na roto i teie parau e ite ai tatou e, ia amui-atoa-hia te bapetizoraa Varua e tia'i.

I roto i ta Iesu mau haapiiraa i ta'na mau pipi, ua parau pinepine mai Oia no te hoé faaaó, e tonohia mai ia ratou, o tei parau-atoa-hia te Varna Parau Mau ra; e teie hoi ia te Varna Maitai. (Ioane 14:16, 17, 26; 15:26; 16:7-13) I to Iesu farerairaa hopea i ta'na mau Aposetolo, hou oia i reva atu ai i nia i te raí; ua parau maira Oia e, ei teie mau mahana e bapetizohia'i outou i te Varua Maitai. (Ohipa 1:5) ua E tupu mau hoi taua parau ra i te mahana Penetekose. Ua putuputahia te mau aposetelo, e ua tae mai te mana no nia mai i te raí, e ua i i hora ratou i te Varua Maitai, e ua parau atura hoi ratou i te parau êê. Ei taua mahana ra, ua parau atura Petero i te Ati Iuda, e horo-atoa-hia te Varua Maitai ia ratou, na roto i te tatarahapa e te bapetizo. (Ohipa 2:38)

E mea pâpû atoa hoi, te mau parau i roto i te Buka â Moromona, no nia i te taeraa mai o te Varua Maitai i nia ia ratou tei haapao i te bapetizoraa i roto i te pape. (A taio i te II Nephi 31:8, 12-14, 17, e te III Nephi 11:35; 12:2)

E ua na ô atoa mai te Atua i ta'na mau tavini i teie tau hopea nei e, "O ratou atoa tei faaroo i ta outou mau

parau, e tei bapetizohia i te pape ia matara te hara; e farii i ratou i te Varua Maitai, (B.F. 84:64)

Uiraa 2 Eaha te Varua Maitai?

Pahonoraa 2 Te Varua Maitai ra, o te hoé ia Varua i amuhia i roto i te Torutahi i pihai iho i te Metua e te Tamaiti; e te vai ra ia'na te huru Atua. Teie hoi te tahi mau i'oa i topahia i nia iho ia'na ra, oia hoi; te Varua o te Atua; (Mataio 3:16). Te Varua; (I Nephi 4:6) te Faaao; (Ioane 14:16) te Varua Parau Mau. (Ioane 15:26) Ua parau-noa-hia teie mau i'oa i te tahi mau vahi no te Varua iho, e te tahi mau vahi no te mana o te Varua.

Parau Tauturu: Te vai nei i te Varua Maitai te mau huru o te taata nei, oia hoi; e haapii e aratai Oia; (Ioane 14:26) e faaite hoi Oia i te Metua e te Tamaiti; (Ioane 15:26) E aó mai Oia no te hara; (Roma 8:26) E riri Oia; (Ephesia 4:30) e imi hoi te Varua. (I Korinetia 2:4-10) Na teie mau irava e faaite papu ia tatou i te huru o te Varua. Na roto i te taioaraa i te parau i papahia i roto i te I Nephi 11:11, e ite ai tatou e, na tia i te Varua ia faaite mai ia'na iho i roto i te huru o te taata. "E na parau atura van ia'na e, ia ite i te auaa i te reira; te parau atura hoi au ia'na maita taata e parau nei; na hi'o hoi au e, tei te huru ia oia o te taata nei; na ite râ van e, o te Varua ia oia o te Atua, e na parau maira oia ia'u mai te hoê taata e parau i te tahi." (I Nephi 11:11) Aua râ. aita i te Varua e ió e te ivi, mai to te Atua e to te Tamaiti, e Varua taa e râ Oia.

Ua fifihia te manaó o te taata nei no nia i te parau i papahia no te Varua Maitai. Tera te tumu ratou i fifihia'i, no te mea, aita ratou e faataa maitai i te mau parau no te Varua iho, e te mau parau no te mana e te mau horoaraa o te Varua. Ia taió tatou i te mau parau, tei na ô mai e, "Ua i oia i te Varua Maitai," e aore râ, "ua mairi mai te Va-

rua Maitai i nia iho ia'na;" e mea papu ia e, e mau parau anaé teie no te mana o te Varna Maitai. Na roto i te reira huru parau, e tae ai te Varua Maitai (te mana o te Varua Maitai) i nia i te mau taata e rave rahi i te mau vahi e rave rahi i te taime hoé; area râ te Varua iho, e tae Oia i te vahi hoé i te taime hoé. Ua nehenehe ia tatou ia feruri e, e tavini te Varua Maitai no te Atua e te Tamaiti, i te faaotiraa i te mau mea i opuahia e rana ra.

E mana to te Varua Maitai i nia i te mau materia atoa. E mana faatere atoa hoi To'na i nia i te veavea, te maramarama, te maniania, e tae noa'tu i te uira. E ua faarirohia teie mau mea ei mau tauturu no'na, i te faaotiraa i ta'na ra ohipa.

Uiraa 3 Eaha te mau mea e roaa mai i te taata nei no roto mai i te Varua Maitai?

Pahonoraa. Tera taua mau mea ra, oia hoi; te Varua tohu, te heheuraa; e haamaramaramahia te feruriraa, e e haamoá-atoa-hia te aan.

Parau Tauturu E orometua te Varna Maitai i tonohia mai i rotopu i te taata nei, e na'na e haapii ia ratou i te mau mea hohonu, ia faateiteihia ratou i nia. (Ioane 14:26) Na roto i te mana e te ohipa hoi a te Varua Maitai, ua haamaramaramahia te feruriraa, ia haamanaó-faahou-hia te mau mea i mairi ê na i muri. E riro Oia ei aratai no ratou tei haapao ia'na, (B. F. 45:57) i te haamaramaramaraa'tu i te taata'toa nei, (B. F. 84:45-47) mai te au i to ratou haapao e to ratou haehaa; (B. F. 136:33) e faaite mai Oia i te mau mea hohonu a te Atua ra, (I Nephi 10:19) ia riro teie ite i roto i taata ei maitai no to ratou ra mau Varua, i te afairaa mai i te maramarama no ô mai i te Atua ra i te taata nei; (B. F. 121:43) i te haamoáaraa ia ratou tei ma na roto i te haapaoraa i te mau ture e te mau faaue-raa a te evanelia; (Alama 13:12) i te faaiteraa i te mau

mea'toa; (B. F. 18:18) e ua riro ei ite i te taata nei no te Atua e 'Ta'na ra Tamaiti. (Ioane 15:26)

E faaaraara te Varua Maitai i te mata o te taata, ia ite ratou i te mau mea e tupu. Ua tohu Adamu na roto i te mana o te Varua Maitai i te mau mea atoa e tupu i rotopu i to'na ra huaai e tae noa'tu i te ùi hopea ra. (B. F. 107:56)

E Parau Faaite

Ua papaihia teie nei parau e Ioane Semita, te hoê Patereareha o te Ekalesia a Iesu Mesia i te Feia Moâ i te Mau Mahana Hopea Nei, i te M. 1851.

“Ketelani, Ohaio te parahi ra na taeae e maha ra i roto i te parahiraa no te Patereareha, i roto i hiero o te Atua ra, e o xau anaé ia te toe no ratou. Ua rahi atu â to'u matahiti i tei horoahia i te taata nei' e no reira, na tia atoa ia ia rave-ê-hia, tu vau.

“No reira te faaite atu nei au i ta'u parau, e te hinaaro nei au ia iritihia te reira i te mau reó atoa, e ia taióhia te reira i te Feia Moá atoa, e neneihia i te mau vahi e neneihia'i te vea; ia ite mau te ao atoa nei i ta'u parau faaite; ahiri e e taata apî au, na farerei haere ia vau ia ratou ia faaroo tariá ratou i te parau no roto mai i to'u nei vaha, o tei faaite hua mai e, ua parau faahou te Atua no te raí mai; ua tonu mai Oia i te mau melahi i te taata ia faaite ia ratou i te eá e te ravea e ora'i te taata. Ua haapao Oia ia Iosepha ei peropheta, e ua heheu-atoa-hia 'Ta'na mau ture ia'na.

“Te faaite pâpû atu nei au e, E peropheta mau o Iosepha Semita, e e hió, e e faaite parau, e e taata mau no te Atua; e e riro te mau mea i heheuhia mai ia'na ra ei ora no ratou o tei faaroo e tei haapao, e aore râ ei faahaparaa, e e pohe no ratou o tei faaetaeta i to ratou aau i te parau mau ta'na i aó mai.

“Ua ite au ia’na i to’na apî-roa-raa, e ua aó atu vau ia’na ia haapao maitai i to’na apîraa, area râ a parau mai ai te Atua ia’na ra mai te haapii mai ia’na, ua auraro ia vau i to’na ite, e noa’tu e, e tamaiti oia e e ruau vau, aita vau i haama i te haapii i te parau mau no roto mai i to’na vaha, e mai ta Paulo i te avae o Gamahila, ua inu vau i te parau mau o tei topa no roto mai i te vaha o te peropheta.

“Tei pihaiho vau ia’na raua to’na tuaana o Haeramu, hou iti aé i to raua taparahiraahia, e te faaite hua’tu nei au e, ua pohe raua ma te tiamâ i te hoé bara, e na haamau raua i to raua parau faaite i to raua iho toto.

“Te faaite hua’tu nei au i te taata’toa ra e, te ite pâ-pû nei au e, ua fâ mai te melahi ta Ioane i ite o tei mau i te evanelia e tia i te vairaa ra ei pororaa’tu i te feia e parahi i te ao nei ra, i te mau fenua atoa, e te mau opu atoa, e te mau reo atoa, e te mau nunaa’toa, i te pii-hua-raa te reo e, A haamataú i te Atua, e faahanahana’tu ia’na, ua tae hoi te hora faautuaraa na’na ra. (Apokalipo 14:6)

“E te pii atu nei au i te taata’toa, e te mau tabuá, e te mau arii, e te mau taata faatoroahia ia faaea ratou i to ratou ohumuhumu, a haere mai outou e haapao i te Evanelia, haaputuputu i pihaiho ia Iseraela, haapao i te mau ture a te Atua, ia ora outou e to outou t-i pohe ra, e tia-faa-hou mai i te tia-faahon-raa matamua.

“Te parau atu nei au i te Feia Moá, na roto i te mana o te Antahuáaraa tei roto ia’u, oia hoi te toroa patereareha, te haamaitai atu nei au ia outou e te paran atu nei au ia outou e, A tamanâ i te faaroo e e haamaitaihia outou i te mau nea’toa; ei ia outou te mau haamaitairaa i fafauhia i nia iho ia Aberahama e Isaata, e Iakoba; e e haapao te Atua ia outou i roto i to’na ra rima mana, e eita e tapeahia te chipa no te mea e haamouhia te mau mana te patoi i te reira

— *Faacuhia ei reo Tahiti e Elita*

Te Ora Mure Ore

EHAHA TE MEA e hau-roa'tu i te maitai i te mea'toa i roto i te ao nei? Te na ô mai nei te hoé taata e, o te moni ia; te na ô mai nei te tahi e, o te mana ia, e te na ô mai nei te tahi taata paari e, o te ora ia. Ahiri aita to tatou e ora, aita atoa ia tatou te moni, e te mana, e te tahi atu â mau mea no teie nei ao; e na roto i to tatou ora e roaa mai teie mau mea ta tatou e hinaaro.

Eaha te huru o teie nei ora ta tatou i hinaaro? Aita tatou i hinaaro i te ora no teie nei ao anaé, e hinaaro râ tatou i te ora mure ore ia haere noa tatou i teie nei ao, e a muri noa'tu.

Ua ite tatou e, ua horoa-noa-hia te ora no teie nei ao, e ua pâpû atoa ia tatou e, ua tae mai te Mesia ia faaora ia tatou i teie nei e a muri noa'tu, mai te mea e faaroo tatou ia'na, e e haapao i to'na ra mau hinaaro. (I Timoteo 1: 15-16) No reira ua haamau Iesu i ta'na Ekalesia, e to'na Evanelia i roto i te ao nei ei aratai ia tatou i te ora mure ore. Ua na ô mai Paulo e, "Aore hoi au i haama i te Evanelia o te Mesia ra, no te mea, o te mana ia o te Atua, ia ora te feia atoa i te faaroo ra; te ati Iuda na e te Heleni atoa hoi. (Roma 1: 16) Na roto i teie nei irava ua ite tatou e, tei roto i te evanelia te mana ia ora te feia atoa i faaroo ra, e no reira ia hinaaro tatou i te ora e faaroo ia tatou i te evanelia mau e tia'i.

I roto i to tatou imi-noa-raa i te evanelia mau, ia hió maite tatou i te mau Buka faufaa, e ia feruri maite i nia iho i te mau parau papai tei roto i taua mau buka ra e tia'i. No reira a rave mai tatou i te Bibilia ia hió tatou i te parau a te Atua i neneihia i roto, faaau ihora i teie nei mau parau i te mau parau i te mau haapaoraa i roto i te ao nei, e te

haapaoraa tei faaaau maitai i te parau a te Atua o te haapaoraa mau ia; e ia hinaaro tatou ia haapâpû â i te reira e pure ia tatou i te Atua o te horoa hua mai i te maitai i te taata atoa ra, ma te patoi ore, e e horoahia mai ta'na. (Iakoba 1:5-6)

Te na ô maira Iesu e, "E tomo na te uputa pirihaio; te atea nei hoi te uputa e te aano nei te eá e tae atu ai i te pohe; e e rave rahi tei na reira i te tomo. Te apiapi râ o te uputa e te piri hoi o te eá e tae atu ai i te ora, e te iti hoi o te feia i te atu i te reira! (Mataio 7:13-14) Na roto i to tatou hinaaro i te man mea tei au ore i to tatou Atua e haere ia tatou na nia i te eá e tae atu ai i te pohe. E rave rahi hoi te mau taata i teie tau tei na reira i te haere, e te vai noa nei â te mau haapaoraa e rave rahi tei aratai i te taata i taua eá atea ra. No te ino i roto i teie mau haapaoraa taata nei, ia faaaau maite tatou i te parau a te Atua i ta ratou mau haapiiraa e tia'i, e oti i te reira e tomo i rotô i te haapaoraa tei faaaau maite i te mau parau mai ta te Atua i taua mai ia tatou nei.

Na roto i te parau a Iesu tei papaihia i roto i te Luka 10:25-28, ua pâpû ia tatou e, ia ora'i te taata, ia hinaaro oia i te Atua ma te aau atoa e ma te varua atoa, e ma te puai atoa, e ma te manaó atoa ia hope, e aroha hoi oia i to taata-tupu mai te aroha ia'na iho ra e tia'i. Aita râ e tia ia hinaaro tatou i te Atua, e aroha hoi i to taata-tupu mai te ohipa ore; e faaite râ tatou i te reira aroha na roto i te ohipa mai te au i te parau no te taata Samaria, ta Iesu i parau mai i te haapii ture ra. Na roto atoa i te parau i te Ioane 14:23-24 ua ite tatou e, ia haapao ore tatou i ta'na mau ture, e i ta'na mau faanuraa e faantuaia ia tatou e e ore roa ia te ora mure ore e noaa mai ia tatou nei.

—*Papaihia e Elita.*



TE HURU NO TE FAATURARAA FAEHAU
NO TE MAU HAU RAHI.

Te Mau Parau Apî

Na roto mai i te hoé parau faaiteraa no te oire rahi i te fenua Amerika, i reira te mau taata faatere no te Hau. Ua faaitēhia mai tana paran faaiteraa ra, ua rahi i te mau taata i haapepehia e te mau pereoo nira e te mau faehau i pupuhibia i te tamaí i mairi aénei. Tera mai ia te taiaora o te mau taata i haapobehia e haamanuibia e te mau pereoo nira i te fenua Amerika mai te faatira o te tamaí rahi i mairi aénei, e 3,500,000. Te mau faehau Amerika i pupuhibia i te tamaí rahi, e 120,000.

I te oire Chiago i te fenua Amerika, ua faatia i te tahi motora rahi i ropu Tune (Tunney) rana Dempsey. O rana tei moto i te matahiti i mairi aénei no championship o te ao nei e ua riro te reia Tune. Ua hinaaro Dempsey ia rona faahou te championship ia'na i teie matahiti aita râ oia i upootia. No te vitiviti e te puai no Tune ua pohe faahou Dempsey e ua riro te reia Tune, oia hoi; o oia ia te champion taata moto i te ao atoa nei.

Ua haere atu te hoé tamahine i te ori haere i roto i te mau peho tei fatata i to'na fare. Ia tae ra i te po o tana mahana ra e aita oia i hoí i to'na fare, haere atura to'na papa i te faaite atu i te mutoí, haere i hora te mutoí i te faaiteraa i te mau faehan, e ua tonohia te mau faehau ia imi i taupotii ra. Ia poipoi aéra ua itehia oia i te taotora i raro aé i te tahi man raau rii, tei pihai iho ta'na uri ia'na. Ua tamaia te mau faehan i te rave i te tamahine, aita râ te uri i faatia. No reira, ua tii ratou i te papa no tana tamahine ra e na'na e ti t'na tamahine e ua afai atu oia i to'na fare.

Ua tere e na pahi reva e maha mai te fenua Amerika i te motu ra o Hawaii. Te area o taua tere ra e 2,410 maile. Ua haamata taua na pahi reva ra i to ratou tere i te hora 12 i te avatea e ua tae na pahi matamua e piti i Hawaii e 26 hora i muri aéra. Te ua pahi reva toe râ, aita i tae i teie nei â e ua manaóhia i teie nei ia ino to raua na machine e ua topa i hora raua i raro i roto i te moana. Te imi noa nei te mau pahi auahi i taua na pahi reva moé ra e ta raua na taata faatere hoi. Te mau taata faatere ua te na pahi reva i moé ra e toopae ia, e maha tane e e hoé vahine orometua.

Ua opua te hoe taata o W. Hougard to'na i'oa i te hoé motu auri, ia faatia i ropu i te fenua Amerika e te fenua Europa. E riro te reira ei faaearaa no mau te pahi reva. Ua tuuhia tera manao i mua i te apooraa hau no te fenua Amerika, e ua na ô maira raton e, mai te mea e faatia taua motu auri ra e riro te reira ei tantururaa rahii te mau pahi reva o te tere i nia aé i te moana.


Ua haamata te hoé taata o B. Kinner i to'na haereraa na te fenua California i te fenua Marite i te pae tooa o te râ, e ua opua oia ia tae i te oire New York i te fenua Amerika i te pae hitia o te râ. Tei roto oia i to'na pahi reva nainai roa oia hoi, e mea nainai roa to'na pahi reva i te mau pahi reva atoá. Tera mai to'na faitoraa e 425 kilo.

I te avae i mairiaénei ua tupu te mau aueue fenua e rave rahi i te oire Moscow i te fenua Rusia, ua parauhia ua fatata i te hoé hanere taime i tupu i te aueueraa i na mahana e toru. Ua pohe roa te tahi mau taata e ua haamaninihia te tahi pae, e ua haamou-roa-hia e 500 fare. Te iminei te

socaeti te ravea ia tauturu ia ratou i te mau taata tei roo-hia i taua ati rahi ra.

No te rahiraa o te uá i te avae i mairi aénei, ua haono i te tahi na anapape i kanasa (kansas) i te fenua Amerika e no reira ua tomo raa te tahi mau Mataeinaa, e ua haamou-roa-hia te tahi mau faaapu i reira.

Ua haaputupu faahou te mau Orometua Momoni tahito o tei tae mai i tahiti nei i mutaa ihora. I te hoé maha-na ua putupu ratou i te oire ra, o I Roto Miti, e na rave ratou i te tahi mau peu tahiti te himeneraa e te tamaaraa tahiti. Ua riro taua putuputuraa ra ei haamanaóraa i to ratou mau hoa i teie pae au moana nei.



TE TAPAERAA PAHI I HIKUERU,
TUAMOTU.

Aima G. Burton Imprimeur,
Rue Brea et de la rue Dumont d'Urville, Orovini, Papeete